

UPUTE AUTORIMA/AUTORICAMA:

Časopis *Prilozi* Instituta za historiju Univerziteta u Sarajevu objavljuje:

- originalne naučne radove
- pregledne članke
- naučno-polemičke tekstove i osvrte
- izvornu građu
- stručne priloge (prikaze knjiga i periodike, informativne osvrte)

Kategoriju rada predlažu recenzenti, a konačnu odluku donosi Redakcija.

Struktura teksta:

- titula, ime i prezime autora/autorice, naziv institucije i adresa, e-mail adresa autora/autorice
- naslov rada (font 14, velika slova, bold)
- eventualne napomene uz naslov rada (izlaganje sa skupa, projekat, zahvalnosti, finansijere) staviti u prvu nenumerisanu fusnotu
- abstrakt, ključne riječi (do 10 termina) - font 11, singl.
- tekst sa fusnotama
- zaključak/rezime
- popis izvora i literature
- abstract, key words, summary

Radovi moraju biti obima do 32 kartice teksta (jednu karticu teksta čini 1800 znakova sa razmacima) i pisani fontom Times New Roman, veličine slova 12 i proredom 1, 5 lines, dok je u fusnotama veličina slova 10, a prored singl.

Prilog poslati na e-mail adresu časopisa prilozi@iis.unsa.ba ili isprintani primjerak rada uz zapis na CD-u poslati poštom ili predati na protokol Instituta za historiju s naznakom „ZA ČASOPIS *PRILOZI*“.

Rukopisi dostavljeni redakciji *Priloga* se ne vraćaju.

Nakon procjene urednika/urednice i redakcije svaki prilog podliježe postupku recenziranja - upućuje se na dvije vanjske, institucionalno nezavisne recenzije, odnosno osigurava

recenzentski postupak dvostruko anonimne recenzije (Double-blind peer review), tj. u kojoj se ne otkriva identitet ni autora ni recenzenata.

Nakon recenzentskog postupka autor/ica je dužan/dužna unijeti i vidljivo označiti eventualne promjene u tekstu koje su sugerisane od strane recenzenata ili prema uputama Redakcije.

Autori objavljenih radova dobivaju primjerak *Priloga*.

Prihvaćene rukopise autori nemaju pravo objavljivati na mrežnim portalima 1 godinu od objavljivanja *Priloga*.

UPUTE ZA PISANJE FUSNOTA:

(The Chicago Manual of Style)

Citiranje arhivske građe:

Naziv arhiva, mjesto arhiva, Naziv fonda, broj kutije/fascikla, naziv dokumenta, arhivska jedinica/signatura:

Arhiv Bosne i Hercegovine (dalje: ABiH), Sarajevo, Zemaljska vlada za Bosnu i Hercegovinu 1919-1921 (dalje: ZVBiH), opći spisi (dalje: opća), kut. 2, sign. 13.

U daljem citiranju istog fonda koristiti skraćenu verziju:

ABiH, ZVBiH, opća, kut. 2, sign. 13.

Citiranje iz zbornika dokumenata:

Broj/naziv dokumenta, Naslov zbornika dokumenta, priređivači/urednik, izdavač, (grad: godina), strana.

primjer:

Dok 158. Prag, 7. VI 1918. Izjava Jugoslovenske akademske omladine, *Građa o stvaranju jugoslovenske države (1. I – 20. XII 1918)*, priredili dr Dragoslav Janković i dr Bogdan Krizman, Institut društvenih nauka, Odeljenje za istorijske nauke, Serija III – Građa, (Beograd: 1964), 207-209.

Citiranje iz knjige:

Ime i prezime autora, *Naslov knjige*, (mjesto izdanja: izdavač, godina izdanja), strana.

primjer:

Ibrahim Kemura, *Narodna uzdanica*, (Sarajevo, Bošnjački institut, Institut za istoriju, 2003), 51-61.

U slučaju ponovljenog citiranja koristiti straćeni oblik i njega se držati.

Kemura, *Narodna uzdanica*, 77.

U slučaju više autora, prilikom prvog navođenja navesti prvog autora i „i drugi“, a narednim navođenjima skraćeni oblik.

primjer: Ivan Božić, Sima Ćirković, Milorad Ekmečić, Vladimir Dedijer, *Istorija Jugoslavije*, (Beograd, Prosvjeta, 1972) 82. pisati kao

I. Božić i drugi, *Istorija Jugoslavije* (Beograd, Prosveta, 1972), 82. odnosno u skraćenom obliku: Božić i drugi, *Istorija Jugoslavije*, 82.

Citiranje članaa iz knjiga ili zbornika radova:

Prezime, ime autora. „Naslov teksta“, u: *Naslov knjige/zbornika*, (Mjesto, Izdavač, godina), strana.

primjer:

Bernard S. Kon, „Kako se predstavlja vlast u viktorijanskoj Indiji“, u: *Izmišljanje tradicije*, ur. Erik Hobsbom, Terens Rejndžer, (Beograd: Biblioteka XX vek, 2002), 301.

Citiranje tekstova iz periodike:

Autor, „Naslov teksta“, *Naslov časopisa*, Izdavač, broj, godina izdanja, strana.

Hatidža Čar-Drnda, „Integracija nekih Egipćana (Misirijun) u bosansko društvo“, *Prilozi*, Institut za istoriju, 37/2008, 40.

skraćeno: Čar-Drnda, „Integracija nekih Egipćana“, 40.

R. Kolar, „ Brćkanje po košticama“, *Oslobođenje*, LVII, br. 19281, (Sarajevo, 23. 10.2000), 6.

skraćeno: R. Kolar, „Brćkanje po košticama“, 6.

Citiranje s www. (World Wide Weba):

Autor, „Naslov članka“, Naziv knjige/časopisa, (Mjesto, Izdavač, godina izdanja), strana, datum prisupa

primjer:

Hrvoje Malčić, Mislav Gabelica, „Spašavanje gladne djece iz Bosne i Hercegovine u vrijeme prvog svjetskog rata“, Fra Didak Buntić – Čovjek i djelo, ur Stipe Tadić i Marinko Šakota, Biblioteka centra za religijske studije – Knjiga prva (Zagreb, Institut društvenih znanosti Ivo Pilar, 2009), 239, datum pristupa: 10. 11. 2017.

https://www.pilar.hr/wp-content/images/stories/dokumenti/fra_didak/11.pdf

UPUTE ZA PISANJE POPISA IZVORA I LITERATURE

Popis izvora se navodi redom:

neobjavljeni izvori, objavljeni izvori

Arhiv, Naziv fonda, godina/godine korištene u radu

Historijski arhiv Sarajevo (HAS), fond Šerif Arnautović, 1918-1935.

Rezultati popisa žiteljstva u Bosni i Hercegovini od 10. oktobra 1910. godine, Sarajevo: Zemaljska vlada za Bosnu i Hercegovinu, 1912.

Ustav Socijalističke Federativne Republike Jugoslavije sa ustavnim zakonom za sprovođenje ustava Socijalističke Federativne Republike Jugoslavije. Beograd: Službeni list, 1974.

Izveštaji o situaciji u Drinskoj banovini. Knj. 1. (1929-1931). Građa za proučavanje političkih, kulturnih i socijalno-ekonomskih pitanja iz prošlosti Bosne i Hercegovine (XIX i XX vijek), N.S. tom I (X). Urednik Andrej Rodinis. Sarajevo: Arhiv Bosne i Hercegovine, 2009.

Zbornik dokumenata i podataka o Narodnooslobodilačkom ratu jugoslovenskih naroda, tom III, knj. 4. Beograd: Vojno-istorijski institut Jugoslovenske armije, 1950.

Periodika

Naziv publikacije, Mjesto izdavanja, godina/godine korištene u radu

Glas slobode, Sarajevo, 1917, 1920.

Popis literature se navodi abecednim redom i to:

knjige – prezime autora/autorice, ime. *Naslov djela*. Mjesto izdavanja: Izdavač, godina izdanja.

Đaković, Luka. Položaj Bosne i Hercegovine u austrougarskim koncepcijama rješenja jugoslovenskog pitanja 1914-1918. Tuzla: Univerzal Tuzla, 1981.

knjige sa više autora – navesti sve autore (Prezime autora, Ime, Ime i Prezime, etc.). *Naslov djela*. Mjesto izdavanja: Izdavač, godina izdanja.

Imamović, Mustafa, Kemal Hrelja, Atif Purivatra. *Ekonomski genocid nad bosanskim Muslimanima*. Sarajevo: MAG, 1993.

članci – prezime, ime autora/autorice. „Naslov članka“ *Naziv časopisa* broj, Izdavač, godina izlaženja, broj, (godina), početna i posljednja strana članka

Jovanović, Vladan. „Jugoslovensko-američka opijumska suradnja 1929-1941. godine“. *Časopis za suvremenu povijest*, Hrvatski institut za povijest, L, 1, (2018), 35-67.